

HISTOR ADMIRABL

DEMEUS AR BOUDEDEO,

*Pehini abapue maro hor Zalver ne ra nemet bale
nôs ha deiz ac'hann da fin ar bed, abalamour
d'an affronteri an devoa bet en andret hor
Zalver Jesus-Christ, pehini, pa voa o vont
d'ar maro, a fulvezas dezàn disquiiza var e
stal, hac e teuas d'en rebuti evel eur scelerat.*

Var ton : Güerz Santez Anna.

A SISTANTET enorabl, tostait da glêvet
Ar vuez pitoÿapla a voe biscoas er bed;
An histor zo truezus demeus ar Boudedeo,
A zo nôs-deiz o vale aboe hor Zalver maro.

Eus a dribu Nephtali, a guêr Jerusalem,
Voa gânet Absarius, carguet a anâthem;
Dont a ras var ar bed-mâ en amzer Herodes,
A felveas massâcri Jesus, Mab ar Verc'hez.

Va zad a voa eur c'halve, va mam gemenerez,
Hac a laboure en Templ da ober broderes;

Ha va c'herent am desqas da lenn leor al Lezen,
Hac-hini ar Brofetet ivez a dra cêrten.

Goude e voen demeet gant va c'herent anfin
Da eur vreg fur ha prudant a dribu Benjamin,
A bini'm boe tri buguel en amzer ma teuas
Autrou Sant Yan Badezour d'anonç ar Messias.

Sant Yan a gontvertissas calz eus a bayanet
Pere voa idolatret, caledet er-pec'het:
Dec mil den en un devez en deves badeet,
Me, va greg, va bugale e-voamp bet o velet.

Va greg a lavaras din : Va fried, emezi,
Leqomp en em vadezi, enont e ar Messi;
Ha me o respont dezi gant eun ear direspect:
Na ni nac hor bugale ne vimp qet badeet.

Aben eun nebeut goude S. Yan voe dibennet
Dre urz' roue Hêrodes, eun den cruel meurbet,
Ha ma teuas hor Zalver evit rên en e blaç;
Hac a ras dre ar c'hanton calz a viraclou bras.

Clêvet e meus bet Jesus alies o sermon,
Hep ne meus bet profitet eus e breddication;
Va-unan e voan presant p'en d'oa rassaziet
Dec mil den gant pemp bara ha goudeze pesqet.

Me Boudedeo maleürus a velas c'hoassouden
Jesus o ressuscita Lazar, breur Madalen,
Ha gûelet dibosseti calz a dud possedet,
Ha si vouas din pec'her bras no meus tam profitet.

Aben eun nebeut goude voe Jesus qemeret
 Gant calz eus a judevien er'jardin Olivet,
 Ha condaonet gant Pilat da rancout da zouguen
 Ar groas ponner ha mezus evita bec'herien.

Pavoe argroas achuet, d'hor Zalver voes amet,
 Da vont da venez Calvar da vea crucifiet:
 O velet, dud o redez, me guemer ya buguel,
 Ha me mont da dal an nôr pa yê en da vervel.

Cetu Jesus o trêmen neuzé abiou va zi,
 Pehini en tal va stal a deu da reposi,
 Ha me lavarât deân gant eur gomz arrogant:
 Qê alesse eus ya stal, te zo eun den mechant.

Ganês ôñ dizenoret gant da i'ffronteri,
 Pa quélân o reposi amân e tal va zi:
 Qerz alesse, den ingrat, cos sorcer milliguet,
 Qerz alesse d'ar maro, pa c'heus he meritet.

Jesus a respontas din gant eur voez truezus:
 Mont a rân da bartia, den fall, den maleürus,
 Me reposo gant va Zad, te valeo bepret
 Dre bêvar c'horn ar bed-mâ ac'han da fin ar bed.

Ia, te a valeo ac'han d'ar jujamant,
 Hac er c'hoste deo d'am Zad am velo suramant
 O varni ar bec'herien pere vo condaonet
 Da xout d'ar flamou gries, ar re just d'ar joaüstet.

Pa glêvis comzou Jesus, va c'halon voelouchet,
 Ha me' rêt va bugale en istant d'am pried.

Ma velis ar Veronic o sec'hi bisach Jesus,
Ha chom en he mouchouer e boltret truezus:

Hep ellout 'n'em arrêti eheuilis hor Zalver,
Hao e velis va Jesus ha calz graguez santel;
Ar bourrevien d'ar Verc'hez o deveus lavaret:
Cetu amâ an tachou ma vo ho Mab staguet.

P'ambogüelet hor Zalver overvel va ar groas,
E creiz etre an daou laer carguet a boaniou bras,
Ha me comanç va beach gant calz eusa anqen,
O tont da laret adieu da guær Jerusalem.

Sônjit eta, Bretonet, peguement a c'hlaç'har
En deus ar Boudedeo brema var an douar!
Rancout quïttat e gartier, e vreg, e vugale,
Hep-gimiadi diouto, evit atao bale.

Pa en devoe baleet eun nombr a vlaveziou,
Ec'h êruas en Ejipt, pell bras demeus e viô.
Éno e mâ ar Môr-Rus, elec'h m'oe tremenet
Moyses gant pobl Doue, hep cavout drouc ebet.

Mont a ris eus ac'hane da enezen Candi,
Elec'h emedi en noas an dud a zo enni;
Éno e velis eun tad o trec'hi a damou
E verc'h evit sacriñ da rêi d'o doueou.

Mont a ris da Malhodo, e pelec'h eus tud drol,
Père a ador Doue hac an diaoulou oll;
Pedi a reont Doue da gaout prosperite,
Ilac an diaoul a bedont ne rai qet drouc dèze.

Güelese meuser Japon ur vam meur bet cruel,
 Pini' deuas da laza, sivoas, he daou buguel.
 Er vrô-ze è permettet laza ar vugale
 Pa n'o dens qet a vara o zud da râi dêze.

Goude' qemeris an hent da vont d'an Enezi,
 D'an Americ, d'an Asi, ha neuze d'an Torqi.
 Ar graguez eus ar vrô-ze a vale d'an arme,
 Hac an ezac'h o deus soign demeus ar vugale.

Eno emedi ar c'his da laza ar botret,
 Nemet-unan dre famill na ve james miret.
 Bez' o deus eur rouanez a ro comandant
 Da laza an oll botret, hep caout dê nep damant.

Erguær eus a Garnioleus ur c'his drol meur bet
 Rac eno an dud yaouanc; pa vezont eureujet,
 Franco ar vreg yaouanc; nôs qenta he eured,
 Mont da gousqet gant ar prinç, vit bea enoret.

Bet on ebars en eur c'hoad hanvet Cisaria,
 Elec'h ma eller bale cant lëo d'an nebeuta
 Hep cavet dour da eva, na feunteun na rivier,
 Ar pezh zo goal incomod da oll dud ar c'hartier.

Monetaris c'hoas pelloc'h, d'arguær a Vosopa,
 Pini zo eus he divoal eur prinç eus an drola:
 Ur vanden chaçha merc'het en deuse vit gardou,
 Ha n'en deus qen soudarded evit difen e vrô.

Ac'hane' yis da eur guær zo hanvet Estopet,
 Elec'h ma zeus serpentet ha loened vil meur bet

Zo qer teo ha corfun den sur ma vent muzuret,
O devez d'an nebeutâ daou-uguent troatad bet.

Er spaç demeus a gant vloas ez ôn bet o vale,
Ha me êruout adare em brô hac em c'hontre?
Allas! maro voa va greg coulz ha va bugale,
Ha den ebet eus va brô certain n'am anavee.

Neuze e teuis da Rom, ebars en Itali,
En amzer-ze e voa calz eus a c'hac'har enni;
Güelet' ris merzeria nombr bras a gristenien,
En defot ne renoncent d'o seiz ha d'o lézen.

Me a vale var ar môr coulz ha var an douar,
Ha me partial neuze evit ar Franc, brô rar!
E Marseill, Bourdel, Paris, Niorl, Naonet, Lyon;
Ac'hane da Vreiz-Izel, d'arguer vrao a Roazon.

Güelet e meus Montroulez ne voa nemet eur c'head,
Ha güelet Brest ha Quemper ebars en douar prat,
Ha güelet ar guær a ls en he frosperite,
Hac ar guær a Lexovi a meus güelet ive.

Güelet e meus Breiz-Izelen coad hameneziou,
Ma zoat evel sovajet neuze ebars er vro;
Me a yel calz a guæriou er vro-ze batisset,
Ara calz a chenchamant abaoue ma zôn bet.

Mevel ar guæra Roazon eur guærgaer batisset,
Dol, Güenet ha Sant-Malo, Dinan hac an Naonet,
Sant-Brie ha Landreguer, Lanion, Montroulez,
Castel-Pol ha Lesneven ha Landerne ivez.

Arc'hæriou-ze meus güelet e coad hac prajou
 Pa deuis d'ober va beach qenta ebars er vrô;
 Cetu hatisset Qemper, ha Brest ha Reconvranc,
 Qemperle, Moeloh, Kerahes ebars en assurance.

Ânfin, pa ôq condaonet gant Doue da vale,
 Me zo bet en em gavet e creiz meur a arme;
 Canoliou ha fusuliu, clezeyon, sabrennou,
 Netra ne dê bet capapl da rêi din ar maro.

Bet ôn ebars e listri a zo bet perisset,
 Hac an dud a voa enne a meus güelet beuzet,
 Ha me hanvet Boudedeon n'êl biye drouc ebet:
 Comzou Doue a rânco bea accomplisset.

Condaonet e zôn gantâ da chom var an douar;
 Comprenit oll christenien, emâ zo din glac'har!
 Va zourmanchou er bed-mâ biqen na êchuo
 Qen a dêi Doue da varn ar beo hac ar maro.

Ar som eus abempgoeneo zo em godel bepret,
 James gant nep seurt clénvet me ne dôn attaqet;
 Bet ôn ebars en broyou elec'h m'oa ar vocen,
 Hep na zeus staguet ouzin na clénvet nac anqen.

Va boutou na va dïllat james na uzont qet,
 Dre bermission Doue a meus bet offancet;
 Peder güech emeus redet pêvar horn ar bed-mâ,
 Ha güelet e meus ive calz chenchamant ennâ.

Bremâ e zôn comancet da redet ar bempet,
 Nep ne dôn ambarasset gant dibri na cousqet;

Güelet a meus bet broyou zo bet oll revinet,
Ha calz demeus a guæriou gant ar gurun dêvet.

Ne meus get calz a amzere vit'chom da barlant,
Me a gred e ma va zreid vargore glaou ardant.
Nan, ne zeus nemet Doue a êlfe disclêria
Ar boaniou bras a zouffrân q'ergent ma reposân.

Pebes maleur ê din-me bea bet rebutet
Demeus a guichen va stal Jesus Salver ar bed
Pa voa o vont d'ar maro, da zont da zisquiza,
Ha me neuze dre valeur a zeuas d'e zispriza.

Emâ ê ar maleur bras a meus var ar bed-mâ!
Emôn atao o vale ouspen trivac'h cant vla,
Ha c'hoas e rânqân bale ac'han da fin ar bed:
Pedit Doue évidon, ma zin d'ar joaüstet.

FIN.

E Montroulez, eus a Imprimeri LÉDAN.